



REPUBLIKA E SHQIPËRISË
UNIVERSITETI I TIRANËS
FAKULTETI I GJUHËVE TË HUAJA

Vendim

Nr. 34 datë 20.04.2018

“Për ngritjen e qendrës së karrierës” në Fakultetin e Gjuhëve të Huaja”

Bazuar në nenin 3 pika 4 gërma a , neni 18 pika 4 të Ligjit nr. 80/2015, datë 22.07.2015 “Për arsimin e lartë dhe kërkimin shkencor në Institucionet e arsimit të lartë në Republikën e Shqipërisë”, si dhe bazuar në Vendimin Nr.39, datë 04.04.2018 të Bordit të Administrimit të Universitetit të Tiranës, pika 2, Miratimi i Strukturave për njësitë e UT sipas formularit nr. 6.

Vendosi:

- 1.Ngritjen e **Qendrës së Karrierës** në Fakultetin e Gjuhëve të Huaja të Universitetit të Tiranës.
2. Përpilimin e një rregulloreje për funksionimin e **Qendrës së Karrierës**
3. Ky vendim hyn në fuqi menjëherë.



DEKAN

Prof. Dr. Artur Sula



UNIVERSITETI I TIRANËS
FAKULTETI I GJUHËVE TË HUAJA

RREGULLORE E QENDRËS PËR ORIENTIM NË KARRIERË

KORRIK 2018



PËRMBAJTJA

HYRJE.....	3
MISIONI DHE OBJEKTIVAT	3
FUNKSIONET	4
PËRGJEGJËSITË.....	4
SHËRBIMET	5
AKTIVITETET	Error! Bookmark not defined.



HYRJE

Rregullorja e Qendrës për Orientim në Karrierë (QOK) në Fakultetin e Gjuhëve të Huaja (FGJH) është bazuar në ligjin nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, në aktet nënligjore në fuqi si dhe në Statutin dhe rregulloret e brendshme të Universitetit të Tiranës. Kjo Rregullore është subjekt ndryshimesh, në përputhje me amendimet e ligjeve dhe akteve nënligjore që rregullojnë veprimtarinë e institucioneve të arsimit të lartë.

Çdo ndryshim në rregulloren e QOK-së propozohet nga strukturat drejtuese akademike të FGJH-së dhe miratohet nga Dekani i FGJH-së. Dekani ka të drejtën e interpretimit të kësaj rregulloreje.

MISIONI DHE OBJEKTIVAT

QOK-ja është në mënyrë të drejtpërdrejtë përgjegjëse për zbatimin e çdo funksioni që ka në fokus zhvillimin e karrierës së studentëve të FGJH-së. QOK-ja ka në fokus të saj nxitjen e bashkëpunimit me studentët dhe synon të realizojë lidhjen mes karrierës akademike dhe mundësive të punësimit për studentët e diplomuar në FGJH, si dhe u krijon atyre mundësi të promovohen në kompani, organizata si dhe shoqata të ndryshme të interesuara për punëmarrës.

QOK-ja udhëzon studentët për zhvillimin e karrierës, duke u përqendruar në interesat personale të studentëve, si dhe harmonizimin e tyre me kërkesat për punësim në tregun e punës. Qëllimi i QOK-së është të mundësojë mbështetjen dhe nxitjen e studentëve në zhvillimin e potencialit të tyre për një qasje më të mirë me veçantitë e kërkesave të tregut dhe synon të rrisë numrin e të punësuarve në fushën e tyre të studimit.

Pjesë e misionit të QOK-së është edhe aktivizimi i studentëve pas përfundimit të programit të studimit në veprimtari të ndryshme me karakter shkencor, profesional, social dhe kulturor.



FUNKSIONET

Funksionet kryesore të QOK-së përfshijnë ndërveprimin e drejtpërdrejtë me studentët. Kështu:

- QOK-ja synon të krijojë dhe të mbajë një marrëdhënie të vazhdueshme mes studentëve, pedagogëve dhe ish studentëve të FGJH-së;
- QOK-ja ndjek dhe mbështet studentët për t'i mbajtur ata të informuar në lidhje me vendimet që duhet të marrin për të realizuar potencialet e tyre në tregun e punës;
- QOK-ja ofron informacion për studentët, por dhe për bizneset apo organizatat që dëshirojnë të punojnë me studentët e rinj. QOK-ja organizon aktivitete të ndryshme të cilat shërbejnë për të transmetuar idetë, nismat, risitë dhe bashkëpunimet mes studentëve dhe aktorëve në tregun e punës.

PËRGJEGJËSITË

Përgjegjësitë kryesore të QOK-së janë:

- QOK-ja përfaqëson një nga njësitë e FGJH-së në mbështetje të procesit të mësimdhënies dhe mësimnxënies.
- QOK-ja është nën varësinë e Administratorit të FGJH-së dhe bashkërendon aktivitetet e saj me Dekanatin, Departamentet dhe Këshillin studentor.
- QOK-ja u ofron studentëve shërbime që synojnë edukimin profesional, lehtësimin e zhvillimit të karrierës, përgatitjen për tregun e punës dhe mbështetje për të vazhduar trajnimin e tyre profesional përmes të mësuarit gjatë gjithë jetës.
- QOK-ja mban përgjegjësi për të informuar dhe mbajtur kontakte me të gjitha palët e interesuara.
- QOK-ja përgatit bazën e të dhënave për studentë të diplomuar në FGJH. Të gjitha proceset për ruajtjen dhe përpunimin e të dhënave personale të studentëve nga institucionet e arsimit të lartë kryhen në bazë të parimit të konfidencialitetit dhe në pajtueshmëri me kërkesat ligjore për mbrojtjen e të dhënave personale. Të dhënat e punësimit të studentëve merren 1 (një) vit pas diplomimit dhe përditësohen çdo vit për një periudhë 5-vjeçare. Një student i diplomuar duhet të vërë në dispozicion të QOK-së informacionin e mëposhtëm:



- a) statusi aktual i punësimit;
- b) kualifikime dhe specializime të mëtejshme;
- c) një CV të përditësuar.

SHËRBIMET

QOK-ja organizon veprimtari të ndryshme praktike. QOK-ja organizon një sërë veprimtarish përmes të cilave studentët orientohen për të marrë vendimet që përcaktojnë rrjedhën e zhvillimit profesional dhe arsimor të tyre. Aktivitetet kryesore të QOK-së bazohen në:

- a) informim;
- b) mundësi për arsimim të mëtejshëm;
- c) informacione për punësim dhe profesione të caktuara.

Shërbimet kryesore që ofrohen nga QOK-ja janë:

- QOK-ja i kushton rëndësi të veçantë lidhjes së shkollimit dhe punësimit;
- QOK-ja përgatit materialet informuese për faqen e internetit të FGJH-së lidhur me të gjithë veprimtarinë e saj si zyrë në mbështetje të studentëve të diplomuar;
- QOK-ja siguron informacion dhe orienton studentët lidhur me trajnime të ndryshme, bursa studimi etj.;
- QOK-ja kujdeset për krijimin e një baze të dhënash në lidhje me punësimin e studentëve pas përfundimit të studimeve në FGJH;
- QOK-ja ndërmjetëson kontaktet e studentëve me biznese, institucione publike dhe organizata të profileve të ndryshme;
- QOK-ja harton dhe finalizon memorandume bashkëpunimi me kompani të ndryshme. Duke shfrytëzuar bazën e të dhënave të kontakteve të kompanive me të cilat QOK-ja bashkëpunon, në bazë të informacioneve për kualifikimet e kërkuara nga kompanitë, QOK-ja realizon lidhjen e studentëve me kompani sipas profilit të tyre;
- QOK-ja shpërndan për studentët e diplomuar informacione mbi ofertat e tregut të punës, mundësinë e praktikave, intershipeve, kualifikimeve etj.;
- QOK-ja lëshon referenca për studime dhe punësim për studentë dhe ish studentë.



VEPRIMTARITË

Aktivitetet kryesore të QOK-së përfshijnë:

✓ **“Të njohim Fakultetin”**

QOK-ja, me anë të kësaj veprimtarie, ka si qëllim t’ju vijë në ndihmë studentëve të vitit të parë, duke i ndihmuar ata me një njohje më të mirë të FGjH-së si nga ana funksionale, ashtu edhe fizike. Kjo veprimtari zhvillohet në bashkëpunim me stafin pedagogjik dhe administrativ të FGjH-së, në mënyrë që studentët të krijojnë një ide të qartë për mënyrën se si funksionon FGjH-ja, ku duhet të drejtohen për çështje të caktuara gjatë vitit akademik etj. Disa nga temat kryesore që trajtohen janë:

- Rregullorja e FGjH-së ku shprehen qartësisht të drejtat dhe detyrimet e studentëve;
- Veprimtaria e strukturave akademike dhe administrative të FGjH-së;
- Veprimtaria e njësive mbështetëse e studentëve;
- Kodi i etikës, etj.

✓ **“Dita e informimit”**

“Dita e informimit” është një ndër veprimtaritë më të shpeshta të QOK-së. QOK-ja organizohet për të informuar studentët për veprimtari dhe takime të rëndësishme ku ata mund të përfitojnë informacion të vlefshëm lidhur me studimet apo angazhimet e tjera (ekstra kurrikulare). “Dita e informimit” mund të organizohet rreth temave të veçanta, të cilat përzgjidhen në bazë të kërkesave të studentëve dhe prioriteteve të QOK-së.

✓ **“Orë të hapura”**

“Orë të hapura” është një veprimtari që zhvillohet në vijimësi gjatë gjithë vitit akademik dhe organizohet me pjesëmarrjen e profesionistëve të fushës. Qëllimi i “Orëve të hapura” është trajtimi i temave të ndryshme bashkëkohore dhe mundëson zgjerimin e njohurive rreth çështjeve më të diskutuara sipas profilit të tyre të studimeve.



✓ ***“E përditshmja përtej auditorit”***

QOK-ja organizon takime mes studentëve të diplomuar dhe studentëve aktualë me qëllim shkëmbimin e përvojave të punësimit dhe organizimin e veprimtarive të përbashkëta. Studentët e diplomuar japin informacione në bazë të përvojës së tyre, këshillim karriere për studentët që janë aktualisht pjesë e FGJH-së dhe mbështetje në formimin e tyre profesional. Studentët e diplomuar mbështesin FGJH-në nëpërmjet projekteve të kompanive apo institucioneve ku punojnë si dhe duke ndihmuar studentët aktualë në studimet e tyre dhe në zhvillimin e praktikës profesionale.

✓ ***“Klubi i debatit”***

QOK-ja organizon debate e diskutime në fushat e studimit që lidhen ngushtë me aftësitë dhe kualifikimet, specifikimet dhe kufijtë e karrierës. Studentët në prog diplomimi ndjekin seminare për mundësitë e zhvillimit të karrierës si vlerësimet, shkrimi i një Curriculum Vitae, shkrimi i një letre motivuese, përgatitja e intervistave dhe strategjitë e kërkimit të punës të ndihmuar nga anëtarët e stafit akademik.

✓ ***“Pjesëmarrje në Panairin e punës dhe të karrierës”***

Veprimtaria më e rëndësishme e QOK-së është pjesëmarrja në Panairin e punës dhe të karrierës, i cili ofron mundësinë rekrutimit të studentëve të interesuar. Panairi shërben si një urë e drejtëpërdrejtë komunikimi mes tregut të punës dhe punëkërkesve të ardhshëm (studentëve) nga çdo fushë studimi e FGJH-së.

Kjo veprimtari zhvillohet në mjediset e FGJH-së, me pjesëmarrje të kompanive/organizatave me standat e tyre për të ofruar mundësi konkrete për studentët e FGJH-së për punësim, trajnime, intershipe etj.

✓ ***“Organizimi i shkollës verore”***

“Shkolla verore” është një veprimtari kulturore dhe akademike, e cila konsiderohet jo vetëm si një përvojë e pozitive për studentët, por gjithashtu shërben edhe si motivim për ta. Studentëve pjesëmarrës u jepet mundësia të zgjerojnë njohuritë, të zhvillojnë potencialin dhe krijimtarinë e



tyre, të përmirësojnë aftësitë e të punuarit në grup, të krijojnë njohje e kontakte të reja dhe të promovojnë vlerat e përbashkëta. Gjatë zhvillimit të "Shkollës verore" studentët propozojnë ide në lidhje me projekte të ndryshme, duke synuar një bashkëpunim më të ngushtë me ta dhe njohje më të mirë të kërkesave të tyre.

*Kjo rregullore është subjekt ndryshimi në varësi të ndryshimeve të Statutit të UT, Rregullores të UT dhe Rregullores së Fakultetit të Gjuhëve të Huaja.

Miratoi

Dekan
Prof. Dr. Artur Sula

